

劉夢得文集

劉夢得外集卷第六

律詩

遊道林嶽麓寺 和韓元二君子

張籍遠寄長句 訓湖州崔郎中

喜韓吳興同遷 秋日書懷

歎梅雨

酬嚴給事

答張祕書謝馬 和中書郎事

見寄藍橋懷舊 和裴侍中留別

省中四松

豐安里舊居

李相公宴餞

惠班竹杖

楊給事製新樓

春晚即事

牛相公述舊

謝鄭州權舍人

和裴令公夜宴

李侍郎惠藥物

宮城早秋

新墅溪竹

追感韋裴六相

和牛相公感傷

和牛相公寓懷

雨後寓懷

林亭雨後偶成

所寄太湖石

和王尚書

牛相公寓言

南溪醉歌

牛相公同遊

謝大尹裴侍郎

謝太原狄尚書

酬崔大夫

暮秋久雨喜晴

唐侍御寄遊道林嶽麓二寺詩并沈中丞
姚貞外所和見徵繼作

湘西古刹雙蹲蹲羣峯朝拱如駿奔青松步障
深五里龍官黯黯神爲闔高殿呀然壓蒼巒俯
瞰長江疑欲吞橘洲泛浮金實動水郭繚繞朱
樓騫語餘百響入天籟衆奇引步輕翻翻泉清
石布博碁子蘿密鳥韻如簧言回廊架險高且
曲新徑穿林明復昏淺流忽濁山獸過古木半
空天火痕星使雙飛出禁垣元侯餞之遊石門

紫鸞翼從紅袖舞竹風松雪香溫馨遠持青瑣
照巫峽一憂驚斷三聲猿靈山會中身不與吟
想峭絕愁精魂恨無黃金千萬餅布地買取爲

丘園

遙和韓睦州元相公二君子

玉人紫綬相輝映却要霜驕一兩莖其奈無成
空老去每臨明鏡若爲情

張郎中籍遠寄長句開緘之日已及新秋
因舉目前仰酬高韻

南宮詞客寄新篇清似湘靈促柱絃京邑舊遊

勞夢想歷陽秋色正澄鮮雲銜日脚成山雨風
駕潮頭入渚田對此獨吟還獨酌知音不見思
蒼然

詒湖州崔郎中見寄

風箏吟秋空不有指爪聲高人靈府間律呂侔
咸英昔年與兄遊文似馬長卿今來寄新詩乃
類陶淵明磨礪老益智吟詠間彌精豈非山水
鄉蕩漾神機清渚煙蕙蘭動溪雨虹蜺生憑君
虛上舍待余乘興行

詒楊八庶子喜韓吳興與余同遷見贈

依本韻次用

早遇聖明朝鴈行登九霄

吳興與余中外兄弟

文輕傅武仲

酒逼蓋寬饒捨矢同瞻鵠當筵共賽鼎

吳興與余同年判入

等琢磨三益重唱和五音調臺栢煙常起池荷

香暗飄

吳興與余同爲御史臺外有蓮池也

星文辭北極旗影度東遼

吳興自度支郎中出爲行軍司馬所從即范僕射昔范朋友爲度遼將軍

直道由來黜浮名豈

敢要三湘與百越雨散又雲搖遠守慙侯籍徵
還荷詔條頓容唯舌在別恨幾塊銷滿眼悲陳
事逢人少舊僚煙霞爲老伴蒲柳任先凋虎綬
懸新印龍舟理去橈斷腸天北郡攜手洛陽橋
幢蓋今雖貴弓旌會見招其如草立客空宇久

寥寥

秋日書懷寄河南王尹

公府想無事西池秋水清去年爲狎客永日奉
高情況有臺上月如聞雲外笙不知桑落酒今
歲與誰傾

浙東元相公歎梅雨鬱蒸之候因寄七言
稽山自與岐山別何事連年鶯鶯飛百辟商量
舊相入九天祗候謫仙歸平湖晚泛窺清鏡高
閣晨開掃翠微今日看書最惆悵爲聞梅雨損

朝衣

嚴給事賀加五品兼簡同制水部李郎中
九天雨露傳青詔八舍郎官換綠衣初佩銀魚
隨仗入宜乘白馬退朝歸雕盤賀喜開瑤席彩
筆題詩出鑽闔聞道水曹偏得意霞朝霧夕有
光輝

裴相公大學士見示答張祕書謝馬詩并
羣公屬和因命追作

草玄門戶少塵埃丞相并州寄馬來初自塞垣
銜苜蓿忽行幽逕破莓苔尋花緩轡威遲去帶
酒垂鞭躞蹀迴不與王侯與詞客知輕富貴重

清才

和司空裴相公中書郎事通簡舊僚之作
談笑在巖廊人人盡所長儀形見山立文字動
星光日運丹青筆時看赤白囊佇聞戎馬息入
賀領鴛行

微之鎮武昌中路見寄藍橋懷舊之作悽
然繼和兼寄安平

今日油幢引他年黃紙追同爲三楚客獨有九
霄期宿草恨長在傷禽飛尚遲武昌應已到新

柳映紅旗

奉和裴侍中將赴漢南留別坐上諸公

金貂曉出鳳池頭玉節前臨南雍州暫輶洪鑪
觀劍戟還將大筆注春秋管絃席上留高韻山
水途中入勝遊峴首風煙看未足便應重拜富

人俟

和兵部鄭侍郎省中四松詩十韻

松是中書相公任侍

郎時裁

右相歷中臺移松武庫裁紫背抽組綬青實長
玫瑰便有千霄勢看成構夏杪數分天柱半影
逐日輪迴舊賞台階去新知谷口來息陰常仰

望覩境幾徘徊翠粒晴懸露蒼鱗雨起苔凝音
助瑤瑟飄榮泛金罍月桂花遙燭星榆半對開
終須似雞樹榮茂近昭回

和蘇郎中尋豐安里舊居寄主客張郎中

漳濱卧起恣間遊宣室徵還未白頭舊隱來尋
通德里新篇寫出畔牢愁池看科斗成文字鳥
聽提壺憶獻酬同學同年又同舍許君雲路竝

華輞

將赴蘇州途出洛陽留守李相公申宴餞
寵行詰舊形於篇章謹杼下情以申仰謝

歲杪風物動雪餘
宮苑晴兔園賓客至
金谷管絃聲洛水
故人別吳宮新燕迎
越郎憂不淺懷袖有瓊英

吳興敬郎中見惠班竹杖兼示一絕聊以謝之

一莖炯炯琅玕色
數節重重碧玉柱
到高山未登處
青雲路上願逢君

和浙西王尚書聞常州楊給事製新樓因寄之作

文昌星象盡東來
油幕朱門次第開
且上新樓

看風月會乘雲雨一時回

尚書在南宮爲左丞給事與禹錫皆是郎吏

訓浙東李侍郎越州春晚即事長句

越中藹藹繁華地秦望峯前禹穴西湖草初生

邊鴈去山花半謝杜鵑啼青油畫卷臨高閣紅

旆晴翻繞古堤明日漢庭徵舊德老人爭出若

邪溪

後漢劉寵爲會稽大治及徵還山陰縣有五六老叟自若邪山谷間出人賚百錢以送寵勞之答曰自明府下車民

不見吏年老遇值聖明故奉送寵爲人選一大錢受之也

訓淮南牛相公述舊見貽

少年曾忝漢庭臣晚歲空餘老病身初見相如成賦日尋爲丞相掃門人追思往事咨嗟久喜

奉清光笑語頻猶有登朝舊冠冕待公三入拂
埃塵

訓鄭州權舍人見寄十二韻

朱戶凌晨啓碧梧含早涼人從榮澤至書到漆
沮傍抃會因佳句情深取斷章惄心同笑語入
耳勝笙簧憶昔三條路居鄰數仞牆舍人舊宅光
福時忝東鄰
學堂青玉案彩服紫羅囊麟角看成就龍駒見
柳楊穀中飛一箭雲際落雙鶴舍人一舉登科
又判入等第旬邑
叨前列天臺媿後行鄙人離渭南主簿十年舍人方尉
此邑及擢謫重入南宮爲禮部
郎中舍人方
衣考功員外郎鯉庭傳事業雞樹遂翱翔書殿連鳴

鵲神池接鳳凰追遊蒙尚齒惠好結中腸

鄙人在集賢與

西掖接近
日夕追遊

鏗翻方擡舉危根易損傷一麾憐弃置

五字借恩光

鄙人出牧姑蘇舍人草制

汝海崆峒秀漆流芍藥

芳風能行偃草境靜不爭柔

鄙人轉臨汝舍人收榮陽轉旆趨關

右頌條匝渭陽病吟猶有思老醉已無狂塵滿

鴻溝道沙驚白狄鄉竚聞黃紙詔促召紫微郎

奉和裴令公夜宴

天下蒼生望不休東山雖有但時遊從來海上仙桃樹肯逐人間風露秋

病卧李侍郎見惠藥物謹以文星之句

隱几支頤對落暉故人書信到柴扉周南留滯
商山老星象如今屬少微

訓留守牛相公宮城早秋寓言見寄

曉月映宮樹秋光起天津涼風稍動葉宿露未
生塵景氣尚芳麗曠望感心神揮毫成逸韻開
閣遲來賓擺去將相印漸爲逍遙身如招後房
宴却要白頭人

牛相公留守見示城外新墅有溪竹秋月
親情多往宿遊恨不得去因成四韻兼簡
洛中親故之什兼命同作